

MME ASAÑA-UTOM KE ISO ITIE-IKPE CHRIST

Luke 12:35-57

QYQHỌ UKPEP-ŊKPỌ 45

Eke Ikpọ Owo

IKỌ IBUOT: “Koro kpukpru nnyin inyene ndiwọrọ nyarare ke iso itie-ikpe Christ; man owo kiet kiet ọbọ utip eke ekemde ye se enye akanamde ke ikpohidem” (2 Ɗwed Corinth 5:10).

I Mbeñeidem Mme Asaña Utom Ke Abaña Erifiak Ndi

Ọbọñ Mmọ

- 1 Enye ọnọ mmọ item ete efak ọfọñ ke isin; eda Spirit mbeñeidem enam utuenikañ mmọ esak, Luke 12:35, 36; Matthew 25:6, 7
- 2 Ọfọfọn ọnọ mme asañautom emi ete mmọ edidide okut mmọ nte etiede ekpeme, Luke 12:37, 38; John 14:2, 3
- 3 Mmọ enyene ndika iso mkpeme koro mmọ mifiokke ini eke Ọbọñ mmọ edidide, Luke 12:39, 40; Mark 13:37; Ikwọ Solomon 5:2

II Enọ Ubierikpe Nte Ekemde Ye Utom Mmọ

- 1 Peter obup me Jesus eketiñ abaña ofuri owo, me mmọ ikpọñ-ikpọñ, Luke 12:41, 42; Mark 13:37
- 2 Eyenam eti asañautom ye owo akpanikọ edi andikara kpukpru ńkpọ, Luke 12:43, 44; 2 Ɗwed Timothy 2:12
- 3 Asañautom emi edidohode ke esit esie ete “Ete-ufok mi ebighi eridi” eyesibe efep, Luke 12:45, 46; Eriyarare 21:8
- 4 Owo ekededi eke enode enye ediwak ńkpọ ke ediyom ediwak ńkpọ ke ubok esie, Luke 12:47, 48; Matthew 21:28-31

III Mme Ubahare, Inyuñ Idighe Emem Ke Mme Ufok

- 1 Enye ekedi ndisin ikañ ke isọñ, ikañ oro ke obubere ke emi, Luke 12:49
- 2 Uduok-mmọñ eke Jesus etiñde abaña ekenyene ndibe ke ukut emi Enye edibede man edep uworọ-ufin, Luke 12:50; 22:44; Matthew 26:38, 39
- 3 Enye ikedighe man ada emem edi ke isọñ edi ubahare, Luke 12:51; Matthew 10:34; John 7:12, 43
- 4 Mme asua owo eyedi mbon ufok esie, Luke 12:52, 53; Matthew 10:35, 36; 10:21, 22

IV Mme Idiọñọ Spirit Ke abaña Mme Ini

- 1 Mme owo efiok mme idiọñọ ikpa-enyọñ, Luke 12:54, 55; Matthew 24:32, 33
- 2 Edi mmọ ikemeke ndifiok mme idiọñọ utit ini, Luke 12:56, 57; Matthew 16:1-4.

SE EKPEPDE EBAÑA

Ke itie efen ke Ikọ Abasi nnyin ikot “Koro ekem ini nte ikpe editoñode ke ufok-Abasi; ndien edieke ikpe otoñode ye nnyin, nso ididi utit mmọ emi misukke ibuot inọ Gospel Abasi? Ndien edieke osọñde eti-eti ndinen owo ndibohọ, ńkpọ editie didie ye mmọ emi mibakke Abasi ye moburobut owo?” (1 Peter 4:17, 18).

Ke mme ufañ-ñwed emi, ye ke mme itie efen, enam añaña ete idighe mme oburobut ye mme anam-idiok ikpọñ edida ke iso itie-ikpe Abasi, edi ke ndinen owo eyeda do ńko. Paul, isuñ-utom ama etiñ abaña ndinen owo ke ini enye odohode ete “Koro kpukpru nnyin inyene ndiwọrọ nyarare ke iso itie-ikpe Christ; man owo kiet kiet ọbọ utip eke ekemde ye se enye akanamde ke ikpohidem, ye ńkpọ oro edide eti, ye onyuñ edide idiok” (2 Ɗwed Corinth 5:10).

Iwutke ete ke edikot edinen owo ke iso itie-ikpe ke abaña idiok-ńkpọ eke enye akanamde. Ema ebemiso enọ mmọ eka ikpe. Edi edikot enye aka ikpe man anam ibat nti utom emi enye akanamde ọnọ Ete-ufok esie. Emi edi se Jesus ekekpepde, nte ewetde ke Ɗwed Luke, ebiet eke Enye adade mbet esie odomo ye mme asaña-utom.

Ikot Esie, owo kiet-kiet eyeda ke iso itie-ikpe Esie, ndien eyedomo utom mmọ kiet-kiet, oro edi se enye akanamde ye usuñ nte enye akanamde utom oro. Koro enye anamde utom ọnọ “ata okposọñ owo.” Owo emi oyomde ndifiok mme ekenam utom man ada itoro ọnọ enye, mme akanam ke ńkuni, mme ke idaresit. “Ke

adañemi mbufo enamde kpukpru se ekedohode mbufo, edohode ete, Nnyin idi ifin eke minamke utom ibe adaña; inam kpa se nnyin ikpanamde” (Luke 17:10). John, isun-utom ke isuo ama okut Christ ke oyohode ubon Esie ke ufot uwuk utuenikañ, ndien mme uwuk utuenikañ oro ekedi mme ufok-Abasi. Nkpọ baba kiet iduhe eke Enye mikwe.

Mme asanutom oro ekefakde ofon ke isin, ekenyūñ enamde utuenikañ mmọ asak, emi ekenyūñ etiede ebet erifiak ndi Qbon mmọ ema eberede usun ini kiet ke ini Enye atuakde. Ke abaña mmọ, Jesus odohode ete “Ofon onọ mme asan-utom emi ete mmọ edidide okut mmọ etiede ekpeme.” Utom emi odotde edi enye emi enamde ke ntiñ-enyin ye ke akam, man nnyin idu ke mbeñidem ini ekededi ibet erifiak ndi Qbon nnyin. Koro edieke enyene-ufok okpofikde ini eke inọ edidide enye ekpekpeme, ikponyūñ iyakke ebuñ ufok esie eduk. Edi ntre ye erifiak ndi Qbon ukem nte inọ ke okoneyo. Baba inọ kiet isuanke etop ke abaña edidi esie. “Mbufo nde ebeñe idem: koro Eyen Owo eyedi ke ini eke mbufo midorike enyin.”

Nko Jesus etiñ abaña asanautom emi etiñde ke esit esie, idighe ke mkpok inua ete “Ete-ufok mi ebighi eridi.” Ndien enye ototon ndimia ifin iren ye ifin iban eken, ndidia, ññwōñ nnyūñ mkpa mmin. Ndien ediwak ekabare eyuhode ye mbukpo inemesit uwem emi ye abiaña inyene. Ke ntre, asanutom emi, ke Qbon esie edide, eyesibe enye efep ndien udeme esie eyedu ye mme oburobut owo.

Jesus ototon ntak odohode ete, “Owo ekededi eke enode enye ediwak ñkpọ, ke ediyom ediwak ñkpọ ke ubok esie.” “Ediwak ñkpọ” eke Enye okonode mbet Esie ke ererimbot emi, edi kpukpru ñkpọ uto Obio Abasi emi eñwāñade enọ mmọ eto ke Eti-mbuk, kpa mme nsōñ-urua enọ Erinyaña, Edinam-asana ye Uduok-mmōñ Edisana Spirit, ye nti utom eke etienede, onyūñ anamde mmọ edu ke mbeñe-idem ebet Obio Ubon Abasi. Nte enọ mme enọ emi man nnyin iwañ ubok itie idia mme edidiōñ eke edepde nte edim onọ nnyin? Idighe ntre, Abasi onọ mme ñkpọ emi, idighe man enam nnyin idu ke mbeñe-idem ndika ke Obio Abasi ikpōñ, edi man Abasi akpada nnyin anam ñkpọ, ke nnyin isuk idude ke isañ usun heaven emi ke isōñ, ndida ññwam mmọ eken ndidu ke mbeñe-idem. Uduok-mmōñ Edisana Spirit, ke idemesie, edi enọ Odudu ndida nnam UTOM. Ndien eyekot nnyin ida ke iso itie-ikpe Christ man itiñ nte nnyin ikadade mme enọ emi ekenode nnyin inam ñkpọ.

Mi ke Jesus akada ekikere efep edi man nnyin ikere ibaña. “Nte mbufo ese ete ñkedi ndida emem ndi ke isōñ? Ndogh mbufo nte, Baba; akam edi ubahare ke nda ndi.” Ediwak owo ekeme ndikere ete ke emi ikemke ye utom Jesus mi ke ererimbot, emi mme udim enyōñ eketiñde ebaña ke ini emana Esie, “Emem onyūñ odu ke isōñ ke otu owo emi Enye enende iso ye mmọ.” Edi idighe ntre, Enye ke akpanikọ ekedi ndida emem ndi, edi owo baba kiet idikemeke ndibọ emem oro baba esisit, ibohode enye onyime ndisana kpukpru nyak nnọ Qbon Emem. Oro owo edidianare nda ofuri-ofuri ye ererimbot, ye obukidem, ye andidiok. Edi ediwak edu eke midikpehe oruk ekom-urua oro. Owo ekededi emi ekpede ebere ke esit esie ndidi anditiene Qbon Jesus Christ ke usun eke enye ekekeme, okudu ke mkpaidem ke ini enye osobode ye ntuaaha. Enye ekeme ndinyene ntuaaha ye ete-utom esie tutu enye oduok utom. Enye ekeme ndinyene ntuaaha ye mme akpan ufan esie onyūñ adianare nsaña ye mmọ. Emi ñkọ ekeme ndisaña ndisim ufok esie onyūñ esin ubahare ke ufot ete, eka, nditoke iren ye iban, ye idem ñwan esie emi ekemede ndisua enye. Emi edi “ikañ” oro Jesus eketiñde abaña ete ama ototon ndisak. Enye otim ofiok ete ke iyenye ntuaaha ye mmọ emi minyimeke ndikpe ekom urua emi. Ndien ke asanade ekpere enye esit, ukem mbume emi ekeme ndida itie. Nte enye eyekpe ekom-urua oro? Nte ededi nnyin kpukpru iyenye ukem mbume oro ndiborọ.

Akpan ñkpọ efep emi Jesus emende owut enyene ñkpọ ndinam ye mme idiōñ eridi Esie. Mme Jew ke eyo Esie ekedi nta ke ndifiok mbaña mme idiōñ eke ikpa-enyōñ. Edi ekese mme idiōñ emi ekenyande ubok ewut Andinyaña emi okosuk asanade ke otu mmọ okok mbon udon, atat mme nnan enyin, onyūñ anam inan ekop ikọ owut ete ke mmọ ema enana ifiok ndikut mme idiōñ emi, enyūñ enana ibuat ndifiok ete ke Obio Ubon Abasi ke ekpere. Isaiah, anditiñ ntiñ-nnim ikọ eketiñ akpanikọ ke abaña mbio emi. “Ena ofiok andinyene enye, ass onyūñ ofiok ebiet eke ete esie onimde udia onọ enye: Israel ifiokke, ikot mi ikereke.”

Kpa ke idahaemi mme idiōñ ke ewut idem, ke usen ke usen ke etiñ aña-ña ebaña kpa Andinyaña emi, ete ke Enye ke afiak edi, ke onyūñ edi usop-usop. Kpa ye oro mme owo ke eyo emi ikereke ibaña mmọ, ukem nte nditọ Israel ke eyo oko. Mme idiōñ emi ñko ke efiori abaña nsobo ererimbot emi. Ikọ Abasi edi ñkukure usun ubohode, ke esiode enye efep ererimbot ke osuhode aka nsobo, kpa ntre ye owo ekededi eke esinde ndinam nte etemede.

“Edi mbufo nditọ-ete,” nte Paul, isun-utom ewetde, “iduhe ke ekim, eke ekpesinde usen oro abuat mbufo nte inọ: koro kpukpru mbufo edi nditọ unwana ye nditọ uwemeyo: nnyin idighe mbon okoneyo inyūñ idighe mbon ekim.”

Ndien eyak nnyin nte mme asanautom Jesus Christ isaña ke unwana kpa nte Enye odude ke unwana. Jesus kedi usop-usop.

MME MBUME

- 1 Edikpe ikpe ndinen owo didie?
- 2 Anie edikpe ikpe?
- 3 Ini ewe ke ikpe ndinen owo edida itie?
- 4 Nso idi “mme eno” emi ndinen owo edidade inam ibat?
- 5 Ewe oruk ndinen owo ke edinọ mme utip?
- 6 Ebiet ewe ke edideme mme utip emi?
- 7 Mme anie ke “mme asanutom” ye “Obon” ke Nwede Luke ibuo 12 ada onọ?
- 8 Nso oruk utom ke ndinen owo edibọ utip?
- 9 Nso iditibe ye asanautom emi midibehe udomo ke iso itie ikpe?
- 10 Ke ebiet ewe ye ini ewe ke ikpe mme anam-idiok edida itie?